

使蜀日記

2
313

使蜀日記

戊辰春二月

世姪牛瑛書謹書



清史文苑傳

郭尙先字蘭石福建莆田人嘉慶十四年進士改翰林院庶吉士散館授編修十八年充貴州鄉試正考官二十一年充雲南鄉試正考官二十四年充廣東鄉試副考官道光八年奉命提督四川學政十二年充山東鄉試正考官歷充國史館文穎館治河方略大清一統志明鑑纂修官文淵閣校理累官贊善洗馬侍讀庶子侍講學士擢光祿寺卿轉大理寺卿卒年四十八尙先博學善屬文與林則徐交莫逆在翰林時相與研究輿地象緯及經世有用之學尤熟於鄭樵通志館大學士盧蔭溥家甚推重之工書法嘗爲仁宗所賞識四方求書者無虛日高麗日本爭相購致然非其人不輕許有以厚資爲其父乞銘者拒不與旣又浼權要來仍不與丁艱歸值莆田大饑勸富民出粟平糶人咸曰郭太史活我督學四川裁陋規正文體士論翕服總督鄂山稱其洞達治體有大臣才識自蜀還召見宣宗褒其操守廉潔辦事精細及卒諭尙書白鎔曰郭尙先學問人品俱好性狷介不苟取典試粵東榜後有同鄉

持鉅金爲贄來謁者峻拒之所著有進奉文一卷經筵講義一卷增默菴文集八卷
詩集二卷芳堅館書帖題跋三卷使蜀日記一卷

使蜀日記

莆田郭尚先蘭石

道光八年八月朔禮部以更換各省學政請
旨得

旨四川著郭尚先去欽此伏念臣以菲材濫竽詞館
垂二十年嘉慶癸酉丙子己卯曾三拜典試之
命涓埃未効茲復仰荷

隆恩視學西蜀聞

命感悚即繕摺趨赴
西苑於初五日陞辭

訓諭周詳曷勝銘泐是日歸寓即作信寄家令三弟
奉母入蜀以內子懷孕大期在是月內稍遲數日
俟之及九月尚未免身因定計先行以十一日出
都及門諸生皆送於郊長新店小坐兵部馬夫甚
馴向所鮮見者次良鄉令君沈君銳方治道未見
處余於城外書院余三經良鄉皆居旅店中湫隘
特甚今竟得一宿爽塏亦可喜也

十二日卯刻行竇店飮次涿州日甫加未署知州
大興縣霍君登龍他出館余於城外公館甚爽潔
十三日辰刻行高碑橋飯次定興令君君詔安

來見白佃民戚也其尊人名榮前為桐城令余使
粵時曾得一見其猶子名成懋在都時過余未晤
今歲復報罷與令君談及佃民意各惻然旋以紙
索書作數紙應之

十四日丑刻行安肅飭令君鄭君鳳陽來見次保
定陶鳧薌前輩攝臬使招飲於署時同年李升齋
觀察在省同年李卷山侍御方掌教蓮池書院俱
在坐席間話年少時事忽忽皆十餘年矣鳧薌前
輩及兩同年出紙索書倚醉縱筆殆不成字歸寓
晤及門劉春坪清苑令為沈君愷厚

十五日寅刻行陜陽驛換馬方順店飮次望都余
使滇黔往來皆次望都至是候吏忽言望都向不
宿當宿清風店適定州僦人在此則曰清風店向
不備驛使宿宜宿望都望都之從人無以應則與
小屋四閒潤在窗外令為鄔井難貴州人於來見
屬作一楹帖知其號為星客今晨聞都中得女心
甚不愜處隸人之舍終夕不得寐道遇四川提督
桂公養齋

十六日丑刻行始知此店距縣城尚隔三四里蓋
聊指一歇驢店以示過客使知必不可住則客自

不住而不謂余之竟住此也天未明過清風店小
坐渡行唐水造橋尚未就又不可舟則以人跣足
擎輿而渡次定州刺史云他出州同黃君源治來
見同里舊相識也屬作書即書應之次新樂潘君
相以趙州州判權令事來見其弟名棟壬午出蘭
生太守門

十七日日日出始行伏城驛館次真定重讀李寶臣
碑屈指十有三年矣是日渡河者再一為大沙河
一為小滹沱河皆以橋未成以數人厲水擎輿而
度知府張君範東令趙君模但來見即往答其拜

使蜀日記

三

趙君貽石刻三事燈下閱孟瓶菴先生使蜀日記先生視學蜀中以乾隆三十三年戊子及今六十年矣余繼之不知能無忝前脩否但懸此念以自策耳

十八日卯刻行渡滹沱河次獲鹿自真定以北余使黔使滇皆道焉自獲鹿以西則茲始行者過滹沱後一路皆平岡行山溝中山漸近氣候轉涼將至城踰一小領乃望見城闐知縣歐君聲振以除道未歸是日僅馳六十里以距井陘尚遠中無可宿處且將入山須檢點行李也

十九日平明行入土門皆山溝中覓道踰東天門
頗徙峻然滇黔得此則康莊矣行四十里至微水
鋪買燒餅二枚食之而飽緯夫已相率逃去渡河
而西石道犖确輿夫舉步甚艱又渡河而東道狹
甚約數十步漸平遂陡下望見井陘城令君陳君
兆鼈迎於郊即至館見同里也屬作書數事是日
馳七十里約有八十餘里山雖多皆不甚高北人
習於平地見此遂謂險絕耳唯石碎而鈇實足以
摧車輪雖驥服鹽車不能不局促也
二十日平明行陳令君送於館胡桃園飭是地向

不備驛使飭令君為余特設者踰一小領即循澗
西行過井陘故關今日固關巖上有雉堞趙之長
城也關有弁兵譏稽澗盡踰西天門次柏井驛平
定州地也道遇山西試使吳君式敏繼君志草草
立談自獲鹿以西山多田少民皆用梯田法多穴
山而居陶窰遺法也其民勤甚與近畿之好逸者
甚異勞則善心生信然

二十一日平明行山漸開豁路漸平坦自昨踰西
天門後即循澗而西其澗無水至平定州形勢甚
雄壯居民亦多事詩書形家言不盡妄也刺史恒

君杰來見飯後行踰南天門頗高峻然尚不為崎嶇昨日有極言其險者語蓋過也自是後溯澗而西其水作猩紅色終日皆行溪灘中次側石驛知孟縣羅君宗海來見蜀人也留之飫詢蜀事對皆悉是日山多平行自南天門上俯視若波濤然居人窟而廬之燔而畬之望之童如神繭形臞其積石者鑿之不入耕不受鋤榛芴髯第可入畫圖乃知材不材間信達士之所居驛舍土室也然亦脩潔

二十二日黎明行壽陽飫令君張君書升來見匆

物土之宜
物土之宜
脉皆來自五臺多蒨蒨多土宜黍稷是以古人貴
自太行多峻厲多石可藝為田者少自州以西山
耳晉民之勤於是可見自平定州以東山脉皆來
皆土山演迤不甚似山然實連岡為人剡削殆盡
匆行未及訪韓昌黎詩碑也次太安驛是日所行

然次王湖鎮屬榆次縣地令郭書俊云在省晉省
當道送食物來是日路頗平坦皆連岡也正所謂
高平曰原者夜小雨即止

二十四日寅刻行徐溝縣飯令張君春臺來見次
祁縣令國君旺云在省是日道平若砥四山遠在
杳靄間居民多為樓堞以居可入圖畫道有碣曰
舅犯故里不知誰何為之甚可哂行李至夜分始
到

二十五日寅刻行平遙飯令丁君公路云下鄉過
張蘭鎮有城甚殷賑是日為集期士女尤盛次介
休令李君連夢方縣考介休為文潞國故里有祠
在城內吾家有道祠在東門外祠前有槐碣曰漢
槐雖未必爾然亦數百年物聞墓尚存介子推縣

上山甚屢屢遙望見之是夕行李竟不至

二十六日卯刻行雨渡小坐次靈石令席君濂來
見邸舍乃一精藍也甚靜到亦早則雜作書是日
循汾水行兩山夾之官道皆在東岸隋文帝所獲
石在城外覆以小亭榜曰靈石高四尺許其廣兩
人合抱黝如鍊其下亦作鍊繡或曰真石已失此
後人做為之余謂此不必深問又烏知隋所得者
之果真乎因憶余昔歲過彰德其令遺瓦硯來簡
云自製秘法銅雀瓦一方瓦實佳然何必云銅雀
二十七日平明行踰韓侯嶺淮陰祠墓在焉嶺不

高然連亘且三十里重車行此宜以為艱也仁義
驛飯其地屬靈石既飯過逍遙嶺長半韓侯餘岡
阜相屬者不絕望霍太山蒼然在雲際山稍開豁
則見霍州城刺史文君壽華來迓來見適陝西試
使池君生春易君長華亦至雖各為館而中有小
門相通因與劇談即同飯自出都後無可談處此
為韓陵石矣

二十八日卯刻行趙城飯令楊君廷亮來見屬作
書即書應之聞城外有女媧陵陵前有補天餘石
匆匆未及往觀自介休城外入山至趙城始平坦